

«Epaile espainiarrek Euskal Herrian inpunitate eremurik» ez dutela dio ETAk

Juan Junqueraren aurka zartatutako bonba-autoa eta Jose Maria Lidon magistratuaren hilketa bere gain hartu ditu

Jose Maria Lidon magistratuaren hilketa bere gain hartzearekin bat, ETAk salatu du Espainiako eta Frantziako Justizia «gerrarako tresna» dela, eta ohartarazi, «Euskal Herriaren aldeko borrokalariak gupidagabe zigortzen dituzten epaile espainiarrek inpunitate eremurik» ez dutela Euskal Herrian. Hala dio, hitzez hitz, ETaren agiriak:

«ETAk Agiri honen bidez honoko ekintzok bere gain hartu eta ondorengo gogoetak helarazi nahi dizkio euskal herriari:

– Azaroaren 6an, Madrilen (Espainia), UCDren Gobernu garaiaz geroztik Espainiako Gobernuko goi kargudun izan den Juan Junqueraren aurka lehergailuz betetako auto baten bidez burututako ekintza, ondorioz: zauri arinak izan zituen. Tamalez, ekintzaren ondorioz, hainbat herritarrek ere zauriak jasan zituzten.

– Azaroaren 7an, Getxon Espainiako Justizia aparatuen aurkako ekintza, Bizkaiko Lurralde Auzitegian ari zen Jose Maria Lidon Corbi epaile espainiarren aurka armaz egindako ekintza, zeinaren ondorioz hil egin zen.

Euskal Herrian ez dago euskal legerik, ez dago euskal herritarrok geure kabuz hausnartu eta onartutako legerik. Aitzitik, euskal herritarroi Frantziako eta Espainiako botereek erabakitako legeak aplikatzen dizkigute. Gainera, horietako lege asko bereziki asmatuak izan dira Euskal Herria zanpateko eta dagoen zanpaketa egoeran mantentzeko.

Euskal Herriaren oinarritzko eskubide demokratikoak eza-gutu gabe dirauten bitartean. Euskal herritarrek zigortzen dituzten lege espainiar eta frantsesen eraso eguneroko ogia da gure herrian. Espainiako eta Frantziako epaileak dira gure herrian 'epaile' lanetan ari direnak.

Lege eta epaile horien bidez gure hizkuntzari eraso egiten zaio, bere berreskuratzea eta hedapena oztopatu egiten da, eta, berez, gure hezkuntza sistema propioa eta gure eredu eta plangintza sozio ekonomikoak erabakitzea eragozten laguntzen da. Eta, azken finean, gure herrian beren gisara dabilzan indar armatu terroristen babes



TXEMA FERNANDEZ / EFE

Jose Maria Lidon magistratuaren lankideak, haren hilketxa ateratzen Bilboko Justizia Jauregitik.

ezin hobeak dira lege eta epaile horiek.

Instituzio arrotz horrek euskal herritarrek bahitzeko agindua ematen du, torturara igorri, eta torturatik itzulerakoan begiak ixten dituen, eta berriro ere sakabanaketaren torturara igortzen ditu.

Euskal Herrian Justizia itxurakeria garrantza besterik ez da, batzuetan 'vasco' abizenek ezkutatatu nahi izaten badute ere. Euskal Herrian Justizia Espainia eta Frantziaren beste eraso tresna bat da, euskal herritarrek zigortzeko eta Euskal Herria zanpatzen dutenak absolutizatzeko erabiltzen dena.

Espainiako eta Frantziako legerik ez dute Euskal Herriaren askatasunaren alde borrokan ari direnak epaitzeko zilegitasunik; Justizia hori ez da instituzio independente bat, gerrarako tresna bat da; ez dio Euskal Herriari eta euskal herritarren eskubide zanpatuei zuzentasuna ekarriko.

Euskal Herriaren aldeko herritar borrokalariak gupidagabe zigortzen dituzten epaile espainiarrek ez dute inpunitate eremurik Euskal Herrian.

Euskal Herriarentzat eskubide demokratikoak errespetatuz hasten den zinezko Justizia lortu behar da. Euskal Herriak Justizia behar baitu.

EGUNGO LEGERIA

«Espainia eta Frantziako legerik zilegitasunik ez dute Euskal Herriaren askatasunaren alde ari direnak epaitzeko»

JUSTIZIA

«Euskal Herrian Justizia Espainia eta Frantziaren beste eraso tresna bat da. Ez da instituzio independente bat»

BOTERE ESPAINIARRA

«Orain, dekretuz edota izua hedatuz helburu bakarra du, berriro ere Euskal Herrian egoera demokratikoa eragozte»

Gutxika-gutxika, borroka eta lanaren bidez, euskal herritarrok geure eskubideak eskuratzeari ekin genion. Eta borroka herritarrek espazio zabalak berreskuratu ditu Euskal Herriarentzat, are gehiago, azken ur-

teotan funtsezko eskubideak eskuratzeko estrategia eta bide zehatza markatu dute Euskal Herriko indar ezkertiar eta progresistek.

Horretaz ohartua da botere zentrala eta espazio horiek berreskuratzeko taktika abian jarri du. Azken batean botere espainiarrek ez du inoiz eskutik askatu Euskal Herria lotzen duen kaitearen gakoa. Eta orain, dekretuz edota izua hedatuz helburu bakarra du, berriro ere Euskal Herrian egoera demokratikoa eta beraz gatazkaren gainditzeari ekarriko lukeen irtenbidea eragozte. Eta horretarako bere tresna garrantzitsuen Espainiako konstituzioaren menpe dagoen Autonomien Estatua da.

Euskal Herriko eta Espainiako politikari profesionalak ETARI autista izatea egozten diote. ETAkooi, aldiz, iruditzen zaigu politikari horiek berak direla sorgor direnak, nor bere negozioetako irabaziak hobekien nola konpondu besterik ez dutela buruan; eta Euskal Herria zanpatua egotea negozio ederra dela horientzat.

Profesionalak dira beren antzerkia egunero-egunero hedatzen egiten, mahai azpian eta gizarteari bizkar emanaz tratutan dabilzan bitartean. Batzuek eta besteek gatazka konpontzeko mugin egiten diote,

gaur egungo egoera probetxuko zaielako.

Horregatik da garrantzitsua gaur egungo egoerari zinez erreparatzea: Espainiako eta Frantziako gobernuek ez dute konponketaren alde inolako urratsik egin nahi, beraien interlokuzio gaitasuna inoizko txikiena izaten ari da gatazkaren konponketari dagokionez. Entzungor eta mugitu gabe daude. Ez bada euskal herritarrek zigortzeko.

PNV eta EA, duela hiru urte eraikuntza nazionalaren bidean urrats garrantzitsua egin eta gero, berriro ere inboluzio autonomistan murgilduta daude. Beren interlokuzio gaitasuna botere zentralarekin kontzertu ekonomikoaren bernegoziaketara murriztuta dago, eta gehienez botere autonomiko zatikatuaren sakontzea dute asmo nagusi. Ezker abertzalea agendatik ezabatu egin dute. Eta mapa politikatik ezabatzeko kolaborazio maila handia erakusten ari dira.

Ezker abertzaleak lehengo lepotik du burua. Ezker abertzalearen erreferentziak betikoak dira: elkarrikeria eta negoziatzea, oinarritzko eskubide demokratikoen errespetua, eta, batez ere, Euskal Herriaren autodeterminazio eskubidearen errespetua.

Bizi dugun inposaketa eta zanpaketa, politiko profesionalen antzerki eta azpi-tratu eta ezker abertzalearen ezinbesteko borrokatu behar hori baino askoz ere zuzenagoa litzateke honokoak irakurri ahal izatea:

– Euskal Herriari ez ezik Espainiako eta Frantziako gobernuei ere dagokien arazorik larri eta garrantzikoena, gatazkaren zergatiak ezabatzean, Historiak utzitako herentzia gainditzean eta hortik sortutako adostasun ezak sendatzean datza.

– Presidenteek, Gobernu espainiarren eta frantsesaren izenean, Euskal Herriko gizartearen gogo demokratikoa errespetaraziko dutela berretsi dute. Bai Espainiaren eta Frantziaren alde edo bai Euskal Herri batu eta burujabearen alde egiten badu. Oinarri honen gainean eta Espainiako eta Frantziako Gobernuen izenean errepikatu dute ez dutela Euskal Herrian inolako interes berekoirik, estrategikorik edo ekonomikorik.